

creationem et lapsum. Initium: Sacris conditionibus eruditi. et exercitio sedule cogitationis orthodoxorum uirorum sanctionibus edocti. tres dies esse pro futura insinuatione comperimus. quorum qui alios antecedit. a principio creaturarum initium sumpsit. ad consummationem mundi in uoce angeli per ignem obpandendam perduraturus. Secundus uero usque ad generale (sic) perducendus. tertius sine fine mansurus. Est enim prima dies presentis temporis. Secunda tumuli. Tercia eternitatis. &c. Atque in prima solum ficit Noster, officia ejus allegoriis undique e sacro textu etiam obtorto collo adtractis docens. Solicite more meo quaesitus operam luit, neque aliud Operis ejus Exemplar in Catalogis Mss. reperi. Episcopum eum fuisse, aut Abbatem in cujusdam Principis aula distentum memoratae superius curiales sollicitudines innunt. Opus ipsum, ad cujus calcem brevis *Expositio sancte Trinitatis* additur, fat mendose scriptum est.

CCLIII.

- U. 53 Codex chartaceus lat. Sec. XV. Folior. 200. f. per duas columnas commode scriptus et rubricis distinctus I. hunc praefert Titulum: *Incipit prologus libri* (numerus extritus, qui debet esse VII.) *quo tractatur de visionibus ymaginarijs et sompnijs.* Autor nullibi memoratur; est vero Johannes a Castello natali in Tuscia dictus de S. Geminiano Ord. Praed.

Scriptor. Sec. XIV. et Autor *Summae de Exemplis et Rerum Similitudinibus* constantis Libris X. quorum praesens noster VII. est. Editiones integrae hujus *Summae* refert *Quetifus T. I. Scriptt. O. P.* p. 528. atque inter eas illam vetustam s. l. et a. quae nomen F. Helvici Teutonici praefert, quo se in *Prologo* occultare voluit Johannes, ut visum *Quetifo*, licet L. VI. c. 52. edit. Venet. 1576. 8. p. 249. prodat terram originis suae, scilicet Castellum Sancti Geminiani, quod est in partibus Tusciae XV. milliariis distans a Civitate Senarum. Prologi nostri peculiaris initium est: *Si quis fuerit inter vos Propheta Domini* &c. et finis Libri: *prospera per terram intelliguntur.* Librum hunc seorsim hic descriptum putem, quod Somnia et Visiones biblicas exponit, ideoque ad sacram *HERMENEUTICAM* pertinet.

II. fol. 38. absque omni vel Titulo, vel Autoris mentione incipit *Expositio Libri Job*, quae est Hugonis a S. Caro O. P. Card. qui Sec. XIII. *Postillas* in universa Biblia elaboravit. In edit. Lugd. 1645. *Expositio* nostra habetur T. I. p. 396. abest tamen a *Codice Hugonis Prologus*, et initium ducitur a Comment. in *Prologum Hieronymi: Cogor. stimulis rationis. prou. XXVI. Responde stulto* &c. Extrema Operis sunt: *quibus omnes electi adiuuantur.* Atque his, ut seria ludo vertam, Librarius Tribus suae Formulas cumulatim adjecit:

*Heu male finiui quia non bene scribere sciui.
Igitur habentes petit scriptor atque legentes
Equaliter omnes ut sint eique fauentes
De pneumatis bono quod sperat in ethere dono.
Splendidior stella me diligit una puella
In tota villa non est formosior illa.
Omnibus orba malis prescriptio hec manualis.*

Sub Anno Domini Millesimo. CC. CC°. sexto In vigilia penthecosten per manus Wenczeslai de Jegerdorff.

III. fol. 191. Incipit Descriptio terre sancte. Praefatio: Dilectissimo in christo ihesu patri fratri burchardo leñori fratrum ordinis predicatorum Maydburck frater burchardus de monte syon cum omni deuotione orationes in Domino ihesu christo. Quid uobis scribam pater karissime non inuenio &c. Vide, quae de hoc Viro Sec. XIII. e Germania Patria sua in Palaestinam profecto, et per 10. annos ibi commorato disquisiuerunt Quetifus in Scriptt. O. P. T. I. p. 391. Fabricius Bibl. med. Lat. v. Brocardus, Oudin

in Epist. ad Jac. Basnagium praefixa T. IV. Thes. Monum. Canisiani edit. Amst. 1725. f. Descriptio ejus in variis Codd. et Editionibus varias vices experta est partium transpositione, interpolatione, stili mutatione, ut adeo genuino de Brocardo seu Burchardo statuere difficile evaserit. Jam Praefatio, quam indicavi, a variis abest. Invenerat eam tamen in Exemplo suo, quod Pedepontanorum S. Magni Canonorum reg. erat, Henr. Canisius, meliusque consulisset in commune Basnagius, si cavillorum loco conquistis aliis exemplis illam emendatiorem dedisset. Id quod e nostro hic praestabo:

Editio

*meum desiderium
pedibus calcare
cum parentibus
principaliter erat facta
et factis honorabilis
Armenia, Chaldaea, India
Chaldaeam
obediens vestrae visioni
ad decem plagas mundi
ut respondeant novem ventis*

Codex

*Adde: adimplevit
pedibus circuire.
Adde: et amicis
praesentialiter erant facta
et sanctorum venerabilia
Praepone: Georgia
Chaldaeam
obediens vestrae jussioni
ad quatuor plagas mundi.
ut respondeant duodecim ventis.*

Omifi

Omisi leviora. Id addo: Exempli nostri Partes cum Scriptoris, tum Compactoris vitio trajectas esse, et ultima quaedam folia deperiisse.

CCLIV.

R. 1993 Codex membraneus lat. Sec. XIV. Folior. 214. 4. maj. per duas columnas nitide exaratus, minio distinctus, et olim *Domus Portae beate Marie virginis In axpach ordinis Cartusienfium prope Danubium*, in infer. *Austria* sequentia complectitur: I. *Biblia beate Marie Virginis*. Initium: *In principio creavit deus celum et terram. Gen. 1. Celum s. empyreum per quod intelligitur domina mundi uirgo maria. Est enim similis celo multis de causis. quarum una ponitur in hystoria. Empyreum enim quoniam cito factum est. statim dispositum et ornatum est. quod non alij celi. sic et ipsa in gratia et sanctificatione. &c. Ita excepto Esdra, Psalterio, Machabaeis, Actis et Epistolis Apostolicis enotatur e sacris Literis, quidquid adcommodari Deiparae potest. Conclusio vero est ejusmodi: Hunc libellum ad honorem tuum qualitercunque compilatum benigne suscipias. et omnia peccata mea diluas. Gratiam gratum facientem finaliter tribuas. et ad gloriam sempiternam me famulum tuum Martinum perducas. Amen. Tu quoque o lector quidquid in eo emendandum est caritate fraterna studeas emendare. Emendemus ergo mox in hoc Epiphonemate rō diluere et tribuere, utpo-*

te quod soli Deo competit. Quis porro *Martinus* is, *Bibliothecae Marianaе Marraccii* addendus, fuerit, cum ignaris ignoro. Tō *Gratia gratum faciens* Scholasticorum Seculum respicit.

II. fol. 38. p. 2. sequitur prolixa et gravis Oratio ad Deum, quae incipit: *Omnipotens et misericors Deus qui essentialiter es bonus, cuius gratia preuentus homo sua peccata considerat plangit et deserit &c. et finit: de te uiuentes et te benedicentes teque in perpetuum collaudantes Qui in trinitate perfecta uiuis et regnas Deus. Ad Soliloquia et Meditationes olim Augustino adscriptas, et ad Orationes Anselmianas accedit.*

III. fol. 42. Incipitur salutatio beate Marie virginis a fratre Chunrado compilata. Initium est: *Quoniam ut ait Jeronimus nulli dubium est &c. Ad calcem vero Clausula miniata habet: Explicit speculum beate virginis. Quid jam statuemus? Extat sub hoc Titulo inter Opera Bonaventurae edit. Lugd. T. VI. p. 429. totum hoc Opusculum priorem Salutationis angelicae Partem explicans; at nos a Fratre Chunrado didicimus compilatum. Et adstipulatur Tritheimius in Catal. illustr. Viror. Germ. f. 26. Conradum de Saxonia O. M. inter alia L. unum de Salutatione Angelica scripsisse testatus, id, quod et ipse Waddingus in Biblioth. Ordinis non abnuuit. Nunquid conualefcit ab eo p. 75. relata Iulii Nigronii suspicio: Omnia Opuscula spirituaalia, quae sine authore circumferreban-*